



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

1930 წლის
მაისის 3.

№ 8

განყოფილება პირველი

ა/კფსრ სახალ. კომისართა
საბჭოს საქმეთა მმართვე-
ლობის მიერ გამოცემული.

შ ი ნ ა ა რ ს ი:

- მუხ. 98. ამიერკავკასიის ცენტრალურ აღმასრულებელ კომიტეტთან საბჭოთა მშენებლობისა და სამართლის ინსტიტუტის მოწყობის შესახებ.
- „ 99. დებულება ა/კფსრ საზომ-საწონთა პალატისა და მისი ადგილობრივი ორგანოების (შემმოწმებელი პალატების) შესახებ.
- „ 100. პროფესიონალურ კავშირთა კულტურულ-განმანათლებელი და ფიზიკური კულტურის დაწესებულებების საჭიროებისათვის სადგომებისა და სამიწაწყლო ნაკვეთების მიწინის პირობების შესახებ.
- „ 101. „ა/კფსრ-ში კოოპერაციისათვის მისაცემი გრძელვადიანი კრედიტის ფონდების დებულების“ შეცვლის შესახებ.
- „ 102. ა/კფსრ-ში საქონლის დაუზოგველი დაცვის წინააღმდეგ ბრძოლისა და მუშა-საქონლისა და საყოლი საქონლის დაცვის ღონისძიებათა შესახებ.
- „ 103. „უმაღლესი სასწავლებლებისა და ტექნიკუმების მოსწავლეთა კონტრაქტაციის წესის თაობაზე“ გამოცემული სსრკ-ის შრომის სახალხო კომისარიატის 1929 წ. დეკემბრის 21-ის თარიღისა და 389 №-ის დადგენილების შესრულების შესახებ.

დადგენილება ამიერკავკასიის ცენტრალური აღმასრულებელი კომიტეტისა.

98. ამიერკავკასიის ცენტრალურ აღმასრულებელ კომიტეტთან საბჭოთა მშენებლობისა და სამართლის ინსტიტუტის მოწყობის შესახებ.

ამიერკავკასიის ცენტრალური აღმასრულებელი კომიტეტი ადგენს:

1. რათა უზრუნველყოფილ იქნეს თეორეტიული შესწავლა და მეცნიერული განზოგადოება ა/კფსრ-ის პრაქტიკული გამოცდილებისა საბჭოთა მშენებლობის



და სამართლის სფეროში მარქსისტულ-ლენინური თეორიის თვალსაზრისით სახელმწიფოსა და სამართლის შესახებ, აგრეთვე რათა გაერთიანებულ და ხელმძღვანელებულ იქნეს ადგილობრივ სამეცნიერო დაწესებულებათა მოქმედება საბჭოთა მშენებლობისა და სამართლის დარგში, მოეწყოს ამიერკავკასიის ცენტრალურ აღმასრულებელ კომიტეტთან საბჭოთა მშენებლობისა და სამართლის ინსტიტუტი.

2. ინსტიტუტი იმყოფება სახელმწიფო ბიუჯეტზე ამიერკავკასიის ცენტრალური აღმასრულებელი კომიტეტის საერთო ხარჯთაღრიცხვით.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1930 წ. მარტის 28.

ტფილისი-სასახლე.

გამოქვეყნებულია „ზარია ვოსტოკა“-ს 105 №-ში 1930 წ. აპრილის 22-ს.

დადგენილება № 237 ა/კსფსრ სახალხო კომისართა საბჭოსი.

99. ა/კსფსრ საზომ-საწონთა პალატისა და მისი ადგილობრივი ორგანოების (შემოწმებელი პალატების) დებულების დამტკიცების შესახებ.

ა/კსფსრ სახალხო კომისართა საბჭო ადგენს:

1. დამტკიცებულ და სამოქმედოდ შემოღებულ იქნეს შემდეგი დებულება „ა/კსფსრ საზომ-საწონთა პალატისა და მისი ადგილობრივი ორგანოების (შემოწმებელი პალატების) შესახებ“—
2. ა/კსფსრ სახალხო კომისართა საბჭოს დადგენილება „ამიერკავკასიის ზომა-წონის პალატის დებულების დამტკიცების შესახებ“ (ა/კსფსრ კან. კრ. 1925 წ. მე 8 №-ი, მუხ. 484) და „დებულება ადგილობრივი შემოწმებელი პალატების შესახებ“ (ა/კსფსრ კან. კრ. 1925 წ. მე-8 №-ი, მუხ. 487) გაუქმებულ იქნეს.

ა/კსფსრ სახალხო კომისართა საბჭოს
თავმჯდომარის მოადგილე ა. ბეგზადიანი.

ა/კსფსრ სახალხო კომისართა საბჭოს
საქმეთა მმართველის თანამდ. დროებ. აღმ. ა. ბანოვიჩი.

1930 წ. აპრილის 25.

ტფილისი—სასახლე.

დებულება ა/კსფსრ საზომ-საწონთა პალატისა და მისი ადგილმდებარეობის (შემმოწმებალი პალატების) შესახებ.

კ ა რ ი I.

ზოგადი დებულებანი.

1. სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ 1924 წ. ივნისის 6-ს დამტკიცებული საზომ-საწონთა დებულების თანახმად („სსრკ ცენ. აღმ. კ-ტისა, სახ. კ-თა საბჭოს და შრ. და თავდაცვის საბჭოს ვესტნიკ“-ის 1924 წ. მე-6 №-ი, მუხ. 202) არსდება ა/კსფსრ საზომ-საწონთა პალატა, რომელიც არის ცენტრალური სამეცნიერო-სატექნიკო და გამოყენებითი მეტროლოგიური დაწესებულება ა/კსფსრ-ში; პალატას ეკუთვნის გამონაკლისი უფლება ა/კსფსრ უმაღლეს ეკონომიურ საბჭოსთან არსებული სასტანდარტიზაციო კომიტეტის მიერ დაწესებული ა/კსფსრ მრეწველობის სტანდარტების შენახვისა.

ა/კსფსრ საზომ-საწონთა პალატა იმყოფება ქალაქ ტფილისში.

2. ა/კსფსრ საზომ-საწონთა პალატა იმყოფება ა/კსფსრ სახალხო მეურნეობის უმაღლესი საბჭოს გამგებლობაში და თავისი მოქმედებისათვის იგი იხელმძღვანელებს: საორგანიზაციო და საადმინისტრაციო სამეურნეო სფეროში— ა/კსფსრ სახალხო მეურნეობის უმაღლესი საბჭოს პრეზიდიუმის განკარგულებებს, ზოლო სამეცნიერო-სატექნიკო და მეტროლოგიურ სფეროში—სსრკ-ის სახალხო მეურნეობის უმაღლეს საბჭოსთან არსებული საზომ საწონთა მთავარი პალატის საერთო დირექტივებს.

3. თავისი მოქმედების ანგარიშებს ა/კსფსრ საზომ-საწონთა პალატა წარუდგენს ა/კსფსრ სახალხო მეურნეობის უმაღლეს საბჭოს და სსრკ-ის სახალხო მეურნეობის უმაღლეს საბჭოსთან არსებულ საზომ-საწონთა მთავარ პალატას.

4. ა/კსფსრ საზომ-საწონთა პალატას აქვს ბეჭედი ა/კსფსრ სახელმწიფო ღერბისა და თავისი სახელწოდების გამოსახულებით და საზომ-საწონთა მთავარი პალატისაგან მიღებული განსაკუთრებული დაღები ნიშნების დასასმელად სამზომო და საკონტროლო ხელსაწყოებზე, რასაც იგი ან მისი ადგილობრივი ორგანოები შეამოწმებენ.

კ ა რ ი II.

ა/კსფსრ საზომ-საწონთა პალატის ამოცანები.

5. ა/კსფსრ საზომ-საწონთა პალატის ამოცანებს საზომ-საწონთა შემოწმებისა და მათი ხმარებისათვის მეთვალყურეობის გაწევის სფეროში შეადგენს:

ა) უზრუნველყოს ა/კსფსრ ფარგლებში ერთნაირობა, სისწორე და ურთიერთი შესაბამისობა ყოველგვარი საზომისა, საწონისა, ზომისა და სამზომო და საკონტროლო ხელსაწყოებისა, რაც გამოიყენება მეცნიერებაში, ტექნიკაში და სახალხო მეურნეობის ყველა დარგში, და რის შემოწმება და დადასტვება სავალდებულოა;

ბ) მოაწყოს, ა/კფსრ სახალხო მეურნეობის უმაღლესი საბჭოს მიერ დამტკიცებული გეგმების მიხედვით, ა/კფსრ ტერიტორიაზე შემოწმების საქმე შემმოწმებელ დაწესებულებათა დაარსებით ადგილებზე და მათი მოქმედების რაიონების განსაზღვრით;

გ) გაუწიოს საერთო მართვა-გამგებლობა ყველა ადგილობრივ ორგანოს (საზომ-საწონთა პალატებს) და ხელმძღვანელობა—მთლად შემოწმების საქმეს ა/კფსრ ტერიტორიაზე;

დ) შეიმუშაოს და წარუდგინოს დასამტკიცებლად ა/კფსრ სახალხო მეურნეობის უმაღლეს საბჭოს პროექტები დადგენილებებისა იმ სამზომო ხელსაწყოთა სავალდებულო შემოწმების შესახებ, რომელთა შემოწმება და დადალება, არსებულ კანონდებულებათა თანახმად, წინად სავალდებულო არ იყო ა/კფსრ ტერიტორიაზე;

ე) შეიმუშაოს და გამოსცეს, ა/კფსრ სახალხო მეურნეობის უმაღლესი საბჭოს დამტკიცებით, საზომ-საწონთა დებულების ფარგლებში, ადგილობრივი პირობებით გამოწვეული ინსტრუქციები და წესები, აგრეთვე შემოწმებისა და დადალების ნიხრები იმ მზომებისათვის, რომელთა სავალდებულო შემოწმება და დადალება დაწესებულია ა/კფსრ სახალხო მეურნეობის უმაღლესი საბჭოს მიერ;

ვ) აღწესდეს საზომ-საწონთა შემოწმებისა და დადალების გამოსაღები და აგრეთვე ა/კფსრ შემოწმებელი დაწესებულებების მიერ მიღებული შემოსავალი სპეციალურ სახსართა შესაქმნელად;

ზ) მოახდინოს საზომ-საწონთა რევიზია ყველა სახელმწიფო, კოოპერატიულ და კერძო დაწესებულებასა, საწარმოსა და ორგანიზაციაში ა/კფსრ ფარგლებში;

თ) შეჭკრიფოს და შეიმუშაოს, ა/კფსრ სახელმწიფო საგეგმო კომისიასთან შეთანხმებით, სტატისტიკური ცნობები იმ სამზომო და საკონტროლო ხელსაწყოთა რაოდენობისა და სახის შესახებ, რაც ა/კფსრ-ში ტრიალებს;

ი) მოაწყოს სამზომო ხელსაწყოთა წარმოება და რემონტი და თვალყური ადევნოს სამზომო ხელსაწყოთა წარმოებას, რემონტს და სტანდარტიზაციას ქარხნებში, ფაბრიკებში და სახელოსნოებში ა/კფსრ ტერიტორიაზე;

კ) მოამარაგოს საზომ-საწონთა პალატები საშემოწმებლო დალებით და მათი საშემოწმებლო მუშაობისათვის საჭირო ყველა სანიმუშო სამზომო ხელსაწყოთი და სათანადო რესპუბლიკის საღერბო ბეჭდებით;

ლ) გაუწიოს პერიოდული კონტროლი ა/კფსრ ტერიტორიაზე სსრკ-ის შრომისა და თავდაცვის საბჭოსთან არსებული სასტანდარტიზაციო კომიტეტის მიერ დადგენილ სტანდარტებს.

პ ა რ ა III.

ა/კფსრ საზომ-საწონთა პალატის უფლებანი.

6. ა/კფსრ საზომ-საწონთა პალატას უფლება აქვს:

ა) საერთო ხელმძღვანელობა და მეთვალყურეობა გაუწიოს თავისი ადგილობრივი ორგანოების (შემოწმებელი პალატების) მოქმედებას ა/კფსრ ტერიტორიაზე და რევიზია გაუკეთოს მათ;



ბ) ურთიერთი მიმართვა იქონიოს სათანადო დაწესებულებებთან და პირებთან იმ საკითხების გამო, რაც მის გამგებლობაში შედის;

გ) აწარმოოს ყოველგვარი სამეცნიერო და სამეცნიერო-სატექნიკო გამოკვლევა მეტროლოგიური საკითხების შემუშავების სფეროში;

დ) შეიმუშაოს მეცნიერულად სამზომო ხელსაწყოთა ტექნოლოგიისა და კონსტრუქციის საკითხები;

ე) გამოსცეს თავისი სამეცნიერო ნაშრომები და ანგარიშები;

ვ) მოაწყოს ხოლმე სამეცნიერო-მეტროლოგიური საშუალებები ა/კსფსრ ტერიტორიაზე, რისთვისაც, საამისოდ განსაკუთრებულად გადადებული სახსარით ან სპეციალურ სახსართა შემოსავლის ხარჯზე, გამართოს დამზარე საწარმონი საცდელ-საწარმოო ხასიათისა (ლაბორატორიები, კაბინეტები, სახელოსნოები, ბიბლიოთეკები და სხვ.).

შენიშვნა. ლაბორატორიებში და კაბინეტებში სპეციალური სამეცნიერო-მეტროლოგიური მუშაობისათვის მიიშვებიან მეცნიერნი.

ზ) მოაწყოს სხვა დაწესებულებებთან ერთად ან დამოუკიდებლად დროებითი კომისიები მცოდნე პირთა მონაწილეობით;

თ) მოიწვიოს ხოლმე, კანონით დადგენილი წესისამებრ, ა/კსფსრ სახალხო მეურნეობის უმაღლესი საბჭოს სანქციით, პერიოდული ყრილობები თეორეტიული და გამოყენებითი მეტროლოგიის საკითხების განსახილველად და შესამუშავებლად და საშემოწმებლო საქმის მოსაწყობად, აგრეთვე მრეწველობისა და ტექნიკის სფეროში ნორმალიზაციასა და სტანდარტიზაციასთან დაკავშირებული საკითხების შესამუშავებლად;

ი) შეიმუშაოს წინასწარი პროექტები ხელისუფლების სათანადო ორგანოების დადგენილებებისა ა/კსფსრ საზომ-საწონთა პალატის შესახები საკითხების თაობაზე;

კ) მოაწყოს მუზეუმები, ბიბლიოთეკები, გამოფენები, ლექციები და სამეცნიერო დემონსტრაციები პალატის შესახები საკითხების სფეროში.

7. ა/კსფსრ საზომ-საწონთა პალატას უფლება აქვს შეიძინოს საზღვარგარედ, საგარეო ვაჭრობის თაობაზე არსებული წესების დაცვით, წიგნები, ჟურნალები, სამეცნიერო ხელსაწყოები და მასალები; ამასთანავე, მას აქვს როგორც უცხოეთიდან უბაჟოდ შემოტანის უფლება, ისე ყველა სხვა უფლება, რაც საამისოდ მინიჭებული აქვთ სამეცნიერო ორგანიზაციებს საბაჟო კოდექსის 152 მუხ. გათვალისწინებული წესისამებრ (სსრკ კან. კრ. 1929 წ. 25 №-ი, მუხ. 2).

8. ა/კსფსრ საზომ-საწონთა პალატას უფლება ეძლევა იქონიოს, არსებული კანონების მიხედვით, სპეციალური სახსარი.

9. ა/კსფსრ საზომ-საწონთა პალატის სპეციალური სახსარი იხარჯება:

90%-ი ამა თუ იმ შემოწმებულ პალატაზე დამტკიცებული ხარჯთაღრიცხვის მიხედვით, ხოლო 10%-ი შევა ა/კსფსრ საზომ-საწონთა პალატაში და მიიქცევა მისი მეტროლოგიური მოქმედების გაფართოებისათვის.

10. ა/კსფსრ საზომ-საწონთა პალატას უფლება აქვს—საცდელ-საწარმოო ხასიათის დამზარე ორგანიზაციების საპირობათათვის (მე-ნ მუხ. „ვ“ პუნ.) თავისი სახელით:

ა) მიიღოს შეკვეთები და დასდოს ყველა გარიგება, რაც საზომ-საწონთა პალატის ამოცანებს ეხება;

ა) დაკრედიტდეს საკრედიტო დაწესებულებებში.

შენიშვნა. ა/კსფსრ საზომ-საწონთა პალატის ვალდებულებებით, რაც ამა მუხლის თანახმად წარმოიშევა, გადასახდელი შეიძლება მიიქცეს მხოლოდ საცდელ-საწარმოო დაწესებულებათა შემოსავალზე და აგრეთვე ამ დაწესებულებათა ქონებაზე, უკეთეს ეს ქონება, მომქმედი კანონმდებლობის თანახმად, გამოირიცხული არ არის ბრუნვიდან და ა/კსფსრ საზომ-საწონთა პალატის თავისუფალ განკარგულებაშია. სახელმწიფო ხაზინა ამ ვალდებულებებისათვის პასუხს არ აგებს.

კ ა რ ი IV.

ა/კსფსრ საზომ-საწონთა პალატის შეღავანილობა.

11. ა/კსფსრ საზომ-საწონთა პალატის სათავეში სდგას დირექტორი, რომელსაც დანიშნავს ა/კსფსრ სახალხო მეურნეობის უმაღლესი საბჭოს პრეზიდიუმი.

12. ა/კსფსრ საზომ-საწონთა პალატისა და მის ადგილობრივი ორგანოების (შემმოწმებელი პალატების) სტრუქტურას და მოქმედების წესს განსაზღვრავს ა/კსფსრ სახალხო მეურნეობის უმაღლესი საბჭოს პრეზიდიუმი.

კ ა რ ი V.

გამოსაღები, შენახვა და შუაბი.

13. ა/კსფსრ საზომ-საწონთა პალატა და მისი ადგილობრივი ორგანოები (შემმოწმებელი პალატები) იმყოფებიან სახელმწიფო ბიუჯეტზე ა/კსფსრ სახალხო მეურნეობის უმაღლესი საბჭოს ხარჯთაღრიცხვით.

14. ის გამოსაღები, რასაც ახდენენ ა/კსფსრ საზომ-საწონთა პალატა და მისი ადგილობრივი ორგანოები (შემმოწმებელი პალატები) აუცილებლად შესამოწმებელ საზომ-საწონთა და სხვა სამზომო და საკონტროლო ხელსაწყოთა დადაღვისა და შემოწმებისათვის, შედის სახელმწიფო შემოსავლად სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1927 წ. ოქტომბრის 29-ის დადგენილებით განსაზღვრული წესისამებრ (სსრკ კან. კრ. 1927 წ. 62 №-ი, მუხ. 626).

კ ა რ ი VI.

ა/კსფსრ საზომ-საწონთა პალატის ადგილობრივი ორგანოები.

(შემმოწმებელი პალატები)

15. ყველა იმ საზომ-საწონთა და საზომო და საკონტროლო ხელსაწყოთა თანაბრობისა, სისწორისა და სათანადო ხმარებისათვის, რომელთა დადაღვა და შემოწმება სავალდებულოა, ა/კსფსრ სახალხო მეურნეობის უმაღლესი საბჭოს განკარგულებით, ა/კსფსრ საზომ-საწონთა პალატა დააარსებს ა/კსფსრ შედგენი-

ლობაში შემავალ რესპუბლიკებში ადგილობრივ ორგანოებს (შემმოწმებელ პალატებს), რომლებიც სამეცნიერო-სატექნიკო დაწესებულებებია და იმყოფებიან ა/კფსრ საზომ-საწონთა პალატის უშუალო გამგებლობაში.

16. ამა დებულების მე-15 მუხლში აღნიშნული ამოცანების განსახორციელებლად შემმოწმებელი პალატები:

ა) აწარმოებენ საზომ-საწონთა და ყოველგვარ სამზომო და საკონტროლო ხელსაწყოთა პირვანდელ და განმეორებითს შემოწმებას;

ბ) აწარმოებენ საზომ-საწონთა და სხვა სამზომო და საკონტროლო ხელსაწყოთა უეცარ რევიზიას უწყებული რესპუბლიკის ტერიტორიაზე მყოფ ყველა, გამოუკლებლივ, სახელმწიფო, კოოპერატიულ და საზოგადოებრივ დაწესებულებასა და საწარმოში, აგრეთვე კერძო პირებთან;

გ) ნებასა რთავენ საზომ-საწონთა რემონტის საწარმოებლად;

დ) ავრცელებენ მოსახლეობაში საჭირო ცნობებს საზომ-საწონთა და მათი გამოყენების შესახებ.

17. შემმოწმებელ პალატებს შეუძლიანთ, საჭიროებისადამიხედვით, ა/კფსრ საზომ-საწონთა პალატის ნებართვით, მათი მოქმედების გეგმისა და მათთვის გადადებული ასიგნების ფარგლებში, გახსნან თავიანთი მოქმედების რაიონებში დროებითი განყოფილებანი.

18. შემმოწმებელ პალატებს აქვთ ბეჭდები სათანადო რესპუბლიკის ღებრბისა და თავიანთი სახელწოდების გამოსახულებით და სსრკ-ის სახალხო მეურნეობის უმაღლეს საბჭოსთან არსებული საზომ-საწონთა მთავარი პალატის მიერ დამზადებული განსაკუთრებული დაღები შესამოწმებელ სამზომო ხელსაწობებზე ნიშნის დასასმელად.

19. შემმოწმებელი პალატის სათავეში სდგას მმართველი, რომელსაც დაწნიშნავს ა/კფსრ სახალხო მეურნეობის უმაღლესი საბჭო—ა/კფსრ შედგენილობაში შემავალი სათანადო რესპუბლიკის ეკონომიურ თათბირთან შეთანხებით.

20. საზომ-საწონთა შემმოწმებელ პალატებთან, საჭიროებისადამიხედვით და ა/კფსრ სახალხო მეურნეობის უმაღლესი საბჭოს ნებართვით, გაიხსნება სახელოსნოები საზომ-საწონთა და სხვა სამზომო და საკონტროლო ხელსაწყოთა რემონტისათვის.

21. სასამართლო, საადმინისტრაციო და სამხედრო ხელისუფლებისა და სხვა ორგანიზაციებისა და პირების მიწვევით შემმოწმებელი პალატები აწარმოებენ (დადგენილი ნიხრის მიხედვით) სამზომო ხელსაწყოთა ექსპერტიზას.

დადგენილება № 238 ა/კსფსრ სსხალხო კომისართა საბჭოსი.

100. პროფესიონალურ კავშირთა კულტურულ-განმანათლებელი და ფიზიკური კულტურის დაწესებულებების საჭიროებაათვის სადგომებისა და სამიწაწყლო ნაკვეთების მიჩენის პირობების შესახებ.

პროფესიონალურ კავშირთა მასიური კულტურულ-განმანათლებელი მუშაობის განვითარებისათვის საჭირო პირობების შესაქმნელად—ა/კსფსრ სსხალხო კომისართა საბჭო ადგენს:

1. პროფესიონალურ კავშირთა კულტურულ-განმანათლებელი მუშაობისათვის საჭირო სადგომებსა და სამიწაწყლო ნაკვეთებს მიუჩენენ მათ აღვილობრივი აღმასრულებელი კომიტეტები, რომლებმაც მხედველობაში უნდა მიიღონ სათანადო განცხადებანი, რაც პროფესიონალურ კავშირთა დაინტერესებული ორგანიზაციებისაგან მიუვათ. სადგომებისა და ნაკვეთების მიჩენის პირობები განისაზღვრება მხარეთა შეთანხმებით სათანადო ხელშეკრულებებში ამა დადგენილებით გათვალისწინებულ საფუძვლებზე.

2. სადგომები და სამიწაწყლო ნაკვეთები გადაციემა პროფესიონალურ კავშირთა სარგებლობაში უსასყიდლოდ ქონების დაქირავების ხელშეკრულებით ან აღნაგობის უფლების ხელშეკრულებით. ყოველწლიური საამორტიზაციო ანარიცხის რაოდენობა არ უნდა აღემატებოდეს ერთ პროცენტს ქვის შენობათა სააღმდგენო ღირებულებისას და ორ პროცენტს ხის შენობათა იმავე ღირებულებისას. საამორტიზაციო ანარიცხის ანგარიში გაიბრება ის ხარჯი, რასაც პროფესიონალური კავშირები გასწევენ სადგომების კაპიტალურ გადაკეთებაზე და ახალ შენობათა და ნაგებობათა დადგმაზე. შენობათა, სადგომთა და ნაგებობათა რემონტის წარმოება და წესიერად შენახვა დაეკისრება იმ ორგანიზაციებს, ვის სარგებლობაშია ც შენობაა, სადგომთა და ნაგებობა.

3. კულტურულ-განმანათლებელი დაწესებულებების (მუშათა კლუბი, კულტურის სასახლე და სხვ.) შენობათა და საფიზკულტურო ნაგებობათა (სასპორტო სტადიონები, წყალ-სადგურები და სხვ. ასაგებად საჭირო ნაკვეთები პროფესიონალურ კავშირებს მიეჩინებათ უფადო სარგებლობაში. ახლად აგებული შენობები შეადგენს იმ ორგანიზაციების საკუთრებას, ვისთვისაც მიკუთვნებულია ის ნაკვეთები, რომლებზედაც აგებულია ეს შენობები და ნაგებობები.

4. უკეთეს პროფესიონალურ კავშირთა სარგებლობისათვის მიჩენილ ცალკეულ სადგომთა და მთელ შენობათა სააღმდგენო რემონტზე ან კაპიტალურ გადაკეთებაზე გასაწევი ხარჯი აღემატება ოცდახუთ პროცენტს ამ შენობათა და ნაგებობათა სააღმდგენო ღირებულებისას გადაციემის პერიოდში, აღნიშნული შენობები და ნაგებობები გადაეციემა პროფესიონალურ კავშირებს სააღნაგო უფლების ხელშეკრულებით.

5. პროფესიონალურ კავშირებს აქვთ უპირატესი უფლება დაეტოვოს სარგებლობაში სადგომები და სამიწაწყლო ნაკვეთები ხელშეკრულების ვადის გა-



სელის შემდეგაც. ახალი შეთანხმების პირობებზე ვრცელდება ამა დადგენილებაში გათვალისწინებული წესები. ისეთ შემთხვევაში, როდესაც სადგომებისა და სამიწაწყლო ნაკვეთების სარგებლობა განახლებულ არ იქნება ახალი ვადით ან, მხარეთა შეთანხმებით, ეს სარგებლობა მოისპობა ხელშეკრულების ვადის გასვლამდე, პროფესიონალურ კავშირებს აენახლაურებათ მათ მიერ სადგომების კაპიტალურ გადაკეთებაზე და ახალ შენობათა და ნაგებობათა აგებაზე გაწეული ხარჯები. საზღაურის რაოდენობა განისაზღვრება მხარეთა შეთანხმებით, ხოლო, უკეთეს შეთანხმება არ მოხდა, — სასამართლო წესით.

6. იმ საერთო სარგებლობის ადგილთა კეთილმოწყობა, რომელიც სადგომებისა და სამიწაწყლო ნაკვეთების გვერდით მდებარეობენ (ქვაფენილებისა და ტროტუარების დაგება და რემონტი, მწვანე ნარგავთა ჩაყრა და სხვ.), განხორციელდება ადგილობრივი კომიტეტების ხარჯზე და სახსარით. პროფესიონალური კავშირები განთავსიუფლებიან აღნიშნულ კეთილმოწყობასთან დაკავშირებული ხარჯებისაგან.

ა/კსფსრ სახალხო კომისართა საბჭოს
თავმჯდომარის მოადგილე ა. ბეგზადიანი.

ა/კსფსრ სახალხო კომისართა
საბჭოს საქმეთა მმართველის თან. დრ. აღმ. ა. ბანოვიჩი.

1930 წ. აპრილის 25.

ტფილისი-სასახლე.

დადგენილება № 239. ა/კსფსრ სახალხო კომისართა საბჭოსი.

101. „ა/კსფსრ-ში კოოპერაციისათვის მისაცემი გრძელვადიანი კრედიტის ფონდების დებულების“ შეცვლის შესახებ.

სრულიად საკავშირო კოოპერატიული ბანკის განყოფილებების გაუქმებასთან დაკავშირებით (სსრკ კან. კრ. 1930 წ. მე-8 №-ი, მუხ. 98) და სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ „სამომხმარებლო კოოპერაციის გრძელვადიანი დაკრედიტების შესახებ“ 1930 წ. თებერვლის 6-ის თარიღით გამოცემული დადგენილების მე-8 მუხლის შესაბამისად (სსრკ კან. კრ. 1930 წ. მე-10 №-ი, მუხ. 121) — ა/კსფსრ სახალხო კომისართა საბჭო აღგენს:

ა/კსფსრ სახალხო კომისართა საბჭოს 1928 წ. აპრილის 3-ის დადგენილებაში „ა/კსფსრ-ში კოოპერაციისათვის მისაცემი გრძელვადიანი კრედიტის ფონდების დებულების დამტკიცების შესახებ“ (ა/კსფსრ კან. კრ. 1928 წ. მე-10 №-ი, მუხ. 113) შეტანილ იქნეს შემდეგი ცვლილებანი:

1. მუხლი 1-ლი მიღებულ იქნეს შემდეგი რედაქციით:

„მუხ. 1. რათა ა/კსფსრ-ში კოოპერაციის საპირობება დაკმაყოფილებულ იქნეს გრძელვადიანი კრედიტით, სრულიად რუსეთის კოოპერატიულ ბანკთან არსდება კოოპერაციის გრძელვადიანი დაკრედიტების ფონდები.“

ამ ფუნდებიდან კოოპერატიულ ორგანიზაციებს მიეცემათ გრძელვადიანი სესხი კაპიტალური ხარჯებისათვის, საბრუნავ სახსართა გასაღიდეზღად და ძირითადი და სპეციალური კაპიტალების შესაქმნელად თუ გასაღიდეზღად“.

2. მე-3 მუხ. „გ“ და „დ“ პუნქტები მიღებულ იქნეს შემდეგი რედაქციით: „პუნ. „გ“ სრულიად რუსეთის კოოპერატიულ ბანკში 1926 წ. ოქტომბრის 1-დან შესული გადასახადები „ბ“ პუნქტში აღნიშნული საბიუჯეტო ასიგნებიდან გაცემული სესხის დასაფარავად“;

„პუნ. „დ“ ყოველწლიური პროცენტები, რაც ხაზინას ერგება სრულიად რუსეთის კოოპერატიული ბანკისაგან იმ საბიუჯეტო სახსართა სარგებლობისათვის, რაც, ამა მუხლის „ა“ და „ბ“ პუნქტების თანახმად, მიქცეულია საერთო ფონდში, და აგრეთვე იმ სახსართა სარგებლობისათვის, რაც ამა პუნქტის თანახმად გადაიცემა იმავე ფონდში“.

3. მე-3 მუხლის 1-ლი, მე-2 და მე-3 შენიშვნები მიღებულ იქნეს შემდეგი რედაქციით:

„**შენიშვნა 1.** ამა მუხლში აღნიშნული თანხები ჩაირიცხება სრულიად რუსეთის კოოპერატიული ბანკის ხაზინისადმი დავალიანების სახით, აგრეთვე იმ სესხთა ჩათვლით, რაც „ბ“ პუნ. აღნიშნულ ასიგნებიდან გაიცა და რასაც სრულიად რუსეთის კოოპერატიული ბანკი გააფორმებს ამა დებულების გამოცემის შემდეგ“.

„**შენიშვნა 2.** ამა მუხლის „დ“ პუნ. აღნიშნული თანხები ყოველწელს გატარებულ იქნება აზერბაიჯანისა, სომხეთისა და საქართველოს რესპუბლიკების სახელმწიფო ბიუჯეტის საშემოსავლო და საგასავლო ნაწილში, ხოლო ფონდიდან ამოურთმევლად, ვიდრე ხაზინას არ დაებრუნება ფონდისათვის გადაცემული სათანადო საბიუჯეტო სახსარი (მუხ. 5)“.

„**შენიშვნა 3.** ამიერკავკასიის კოოპერატიული ორგანიზაციების მიერ ამა მუხლში გათვალისწინებული ყველა წყაროსაგან შექმნილი თანხები საერთო ფონდისა შვევა სრულიად რუსეთის კოოპერატიულ ბანკში და განაწილდება ა/კფსრ უმაღლესი ეკონომიური საბჭოს დადგენილების თანახმად—ა/კფსრ ფინანსთა სახალხო კომისარიატის წარდგენით.“

4. მე-4 მუხლის 1-ლი შენიშვნა მიღებულ იქნეს შემდეგი რედაქციით:

„**შენიშვნა 1.** ცალკეულ შემთხვევაში კოოპერაციის გრძელვადიანი დაკრედიტების კომიტეტს შეუძლიან, კოოპერატიული სისტემის ცენტრის წარდგენით, გადასინჯოს ამა დებულების გამოცემამდე სახელმწიფო საბიუჯეტო სახსარიდან გაცემულ სესხთა საპროცენტო განაკვეთები“.

5. მე-5 მუხლის შენიშვნა მიღებულ იქნეს შემდეგი რედაქციით:

„**შენიშვნა.** რესპუბლიკანურ ფინანსთა სახალხო კომისარიატსა და სრულიად რუსეთის კოოპერატიულ ბანკს შორის კოოპერაციის თვითეული სახის ცალკეული ორგანიზაციის დაკრედიტების თაობაზე დადებული ხელშეკრულებით დაწესებული ვადების ფარგლებში—სრულიად რუსეთის კოოპერატიულ ბანკს უფლება აქვს, სათანადო კოოპერატიული სისტემის ცენტრთან შეთანხმებით, დააწესოს, გააგრძელოს და შეამოკლოს ცალკეული კოოპერატიული ორგანიზაციისათვის დაკრედიტების პირვანდელი ვადები, სესხის მიზნობრივი დანიშნულებისა და სესხის ამღების ფინანსიური და ეკონომიური მდგომარეობის მიხედვით“.

6. მე-6 მუხლის მესამე აბზაცი მიღებულ იქნეს შემდეგი რედაქციით:

„თვითეული რესპუბლიკის ეკონომიური თათბირის მიერ განსაზღვრული კოოპერატიული სისტემისათვის დანიშნული გრძელვადიანი დაკრედიტების თან-



ხების ფარგლებში კოოპერაციის რესპუბლიკანური ცენტრები წარადგენენ განსახილველად კოოპერაციის გრძელვადიანი დაკრედიტების საქმეთა კომიტეტში იმ კოოპერატიული ორგანიზაციების სიას, რომელთაც უნდა მიეცეს კრედიტი.“

7. მე-7 მუხლი მიღებულ იქნეს შემდეგი რედაქციით:

„მუხ. 7. ა/კსტსრ უმაღლესი ეკონომიური საბჭოს დადგენილებებით საერთო რესპუბლიკანური ფონდებიდან ამიერკავკასიის კოოპერატიული ორგანიზაციების დაფინანსებისათვის გამოყოფილი სახსარი მიიქცევა სრულიად რუსეთის კოოპერატიულ ბანკში და ამ სახსარს გაანაწილებს სახელმწიფო ბანკის სამხარეო კონტორასთან არსებული კოოპერაციის გრძელვადიანი დაკრედიტების საქმეთა კომიტეტი“.

8. მე-8 მუხლი მიღებულ იქნეს შემდეგი რედაქციით:

„მუხ. 8. მე-3 მუხლით გათვალისწინებული სახელმწიფო სახსარის ფონდში გადასცემის და დატოვების დაწვრილებითი პირობები და ამ სახსარის გამოყენების წესი განისაზღვრება განსაკუთრებული ხელშეკრულებით, რაც უნდა დაიდვას ა/კსტსრ შედგენილობაში შემავალი რესპუბლიკების ფინანსთა სახალხო კომისარიატებსა და სრულიად რუსეთის კოოპერატიულ ბანკს შორის“.

9. მე-10 მუხლი მიღებულ იქნეს შემდეგი რედაქციით:

„მუხ. 10. კოოპერაციის ყველა სისტემის გრძელვადიანი დაკრედიტების სპეციალური ფონდები, სამომხმარებლო კოოპერაციის გარდა, შესდგება ამ სისტემის ორგანიზაციების სახსარისაგან და ამ ფონდებში მიიქცევა:

ა) კოოპერატიული ცენტრებისა და კოოპერატივების კავშირების წმინდა მოგების ყოველწლიური სავალდებულო ანარიცხები არა ნაკლებ, ვიდრე ხუთი პროცენტის რაოდენობით;

ბ) პირველადი კოოპერატიული ორგანიზაციების, — სასოფლო-სამეურნეო საკრედიტო ამხანაგობათა გარდა, — წმინდა მოგების ანარიცხები, უკეთეს ეს მოვალეობა დაეკისრებათ მათ სათანადო კოოპერატიული ცენტრების დადგენილებებით“.

10. აღნიშნულ დებულებას „ა/კსტსრ-ში კოოპერაციისათვის მისაცემი გრძელვადიანი კრედიტის ფონდების შესახებ“ დაემატოს მე-10¹ მუხლი შემდეგი შინაარსისა:

„მუხ. 10¹. სამომხმარებლო კოოპერაციის გრძელვადიანი დაკრედიტების სპეციალური ფონდები შესდგება ისე, რომ მათში მიიქცევა:

ა) სამომხმარებლო კოოპერატიული ორგანიზაციების წმინდა მოგების ყოველწლიური სავალდებულო ანარიცხები ოცდახუთმეტი პროცენტის რაოდენობით.

შენიშვნა 1. გრძელვადიანი დაკრედიტების ფონდში გადასაცემი ანარიცხების პროცენტი გადიდებულ იქნეს მით, რომ შემცირდეს სამომხმარებლო კოოპერატიული ორგანიზაციების ძირითად კაპიტალებში გადასაცემი ანარიცხების პროცენტის რიცხვი ოცით.

ბ) იმ საამორტიზაციო ანარიცხების ორმოცდაათი პროცენტი, რასაც აწარმოებენ სამომხმარებლო კოოპერატიული ორგანიზაციები;

გ) ის კაპიტალები, რასაც სრულიად რუსეთის კოოპერატიულ ბანკს გადასცემენ სამომხმარებლო კოოპერატიული ორგანიზაციები მიზნობრივი დანიშნულებით გრძელვადიანი დაკრედიტებისათვის;

დ) სრულიად რუსეთის კოოპერატიული ბანკის წმინდა მოგების ანარიცხები მეპაიეთა საერთო კრებების საამისო დადგენილების მიხედვით;

ე) ყოველწლიური პროცენტები, რასაც სრულიად რუსეთის კოოპერატიული ბანკი დაარიცხებს ფონდების სახსარს—სამომხმარებლო კოოპერაციის სათანადო ცენტრებსა და სრულიად რუსეთის კოოპერატიულ ბანკს შორის დადებულ ხელშეკრულებაში განსაზღვრული რაოდენობით;

ვ) სხვა შემოსავალი.

შენიშვნა 2. ანარიცხი ამა მუხლის „ა“ პუნქტით გათვალისწინებული რაოდენობით გადაიდება წმინდა მოგებიდან—სამომხმარებლო კოოპერატიული ორგანიზაციების ბალანსებით, დაწყებული ბალანსით 1929 წ. ოქტომბრის 1-თვის. ამა მუხლის „ბ“ პუნქტით გათვალისწინებული საამორტიზაციო ანარიცხები გადაიდება მხოლოდ 1928-29 წ. საამორტიზაციო კაპიტალებში მიტყეული თანხებიდან. შემდგომ წლებში საამორტიზაციო ანარიცხების გადადება შეიძლება დაეკისროს სამომხმარებლო კოოპერატიულ ორგანიზაციებს სსრკ-ის კოოპერატიულ ამხანაგობათა კავშირის დადგენილებით“.

11. მე-12 მუხლი მიღებულ იქნეს შემდეგი რედაქციით:

„12. მე-10 მუხ. „ა“ და „ბ“ პუნქტებისა და მე-10¹ მუხლის თანახმად გადადებული ანარიცხები, აგრეთვე ამ ანარიცხების პროცენტები (მე-10¹ მუხ. „ე“ პუნ.) დარჩება სათანადო ფონდებში მთლად იმ ხნის განმავლობაში, რაც ეს ფონდები იარსებებს, და დაბრუნებულ იქნება მხოლოდ ამა თუ იმ ფონდის ლიკვიდაციის შემდეგ“.

12. მე-13 მუხლის შენიშვნა მიღებულ იქნეს შემდეგი რედაქციით:

„**შენიშვნა.** ამიერკავკასიის კოოპერატიული ორგანიზაციებისაგან სპეციალურ ფონდებში შემოსასვლელი თანხების საკონტროლო ციფრებსა და სპეციალური ფონდების სახსართა განაწილებას შეადგენენ ამიერკავკასიის კოოპერატიული ცენტრები“.

13. მე-14 მუხლი ამოშლილ იქნეს.

14. მე-15 მუხლის მეორე აბზაცი მიღებულ იქნეს შემდეგი რედაქციით:

„აღნიშნული პასუხისმგებლობისაგან ბანკის განთავისუფლება შეიძლება მხოლოდ სპეციალური ფონდიდან გაცემული ისეთი სესხისათვის, რომელიც გაცემულია ბანკის მიერ,—მიუხედავად ამაზე ბანკის მხრით უარისთქმისა,—სათანადო კოოპერატიული ცენტრის გამგეობის დადგენილებით“.

15. მე-17 მუხლი ამოშლილ იქნეს.

16. მე-18 მუხლი მიღებულ იქნეს შემდეგი რედაქციით:

„მუხ. 18. სახელმწიფო ბანკის სამხარეო კონტორასთან და მისვე ფილიალებთან აზერბაიჯანის სსრ-ში და სომხეთის სსრ-ში დაარსდებიან კოოპერაციის გრძელვადიანი დაკრედიტების საქმის კომიტეტები“.

17. მე-19 მუხლი მიღებულ იქნეს შემდეგი რედაქციით:

„მუხ. 19. აღნიშნული კომიტეტების შედგენელობაში შედიან წარმომადგენელი ფინანსთა სახალხო კომისარიატისა, ვაჭრობის სახალხო კომისარიატისა, სახელმწიფო ბანკის ფილიალებისა და თითო წარმომადგენელი უწყებელი რეს-



პუბლიკის თვითიული კოოპერატიული სისტემისა. კომიტეტის თავმჯდომარედ არის სახელმწიფო ბანკის ფილიალის მმართველი ან მისი მოადგილე.

შენიშვნა. იმ საკითხების განხილვის დროს, რაც ამიერკავკასიის კოოპერატიულ ორგანიზაციებს შეეხება, ეს ორგანიზაციები მიიწვევიან კოოპერაციის გრძელვადიანი დაკრედიტების საქმის კომიტეტის სხდომაზე“.

18. მე-20 მუხლი მიღებულ იქნეს შემდეგი რედაქციით:

„მუხ. 20. ა/კფსრ შედგენილობაში შემავალი სათანადო რესპუბლიკის ფინანსთა სახალხო კომისარიატს უფლება აქვს, განაცხადებს-რა კომიტეტის სხდომაზე თავის განსაკუთრებულ აზრს საერთო ფონდის სახსარიდან ამა თუ იმ სესხის გაცემის შესახებ, განაპროტესტოს სამი დღის განმავლობაში მიღებული გადაწყვეტილება რესპუბლიკანურ ეკონომიურ თათბირში, გადაწყვეტილების აღსრულების შეჩერებით, ვიდრე საკითხს ეკონომიური თათბირი გადაწყვეტდეს“.

19. 22 მუხლი მიღებულ იქნეს შემდეგი რედაქციით:

„22. საერთო ფონდის სახსარიდან გაცემულ სესხთა გადახდევინებას აწარმოებენ რესპუბლიკანური ფინანსთა სახალხო კომისარიატის ადგილობრივი ორგანოები უდავო წესით სრულიად რუსეთის კოოპერატიული ბანკის სათანადო წარდგენის თანახმად.

სრულიად რუსეთის კოოპერატიული ბანკის მიერ დადებული ხელშეკრულების მიხედვით—სპეციალური ფონდის სახსარიდან გაცემული სესხის გადახდევინება მოხდება სასამართლოს ბრძანების გაცემის წესით“.

ა/კფსრ სახალხო კომისართა

საბჭოს თავმჯდომარის მოადგილე ა. ბეგზადიანი.

ა/კფსრ სახალხო კომისართა

საბჭოს საქმეთა მმართველის თან. დრ. აღმ ა. ბანოვიჩი.

1930 წ. აპრილის 25.

ტფილისი-სასახლე.

დადგენილება ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოსი.

102. ა/კფსრ-ში საქონლის დაუზოგველი დაკვლის წინააღმდეგ ბრძოლისა და მუშა-საქონლისა და საყოლი საქონლის დაცვის ღონისძიებათა შესახებ.

კულაკების მანებელი მოქმედებისა და წაქეზების გავლენით ცალკეულმა ღარიბ და საშუალო მეურნეობებმა, მათ შორის იმათაც, ვინც კოლექტიურ მეურნეობებში შედის, აგრეთვე სხვა სასოფლო-სამეურნეო საწარმოო შენაერთებმა შესამჩნევად გააძლიერეს ისეთი მუშა-საქონლისა და საყოლი საქონლის ხოცვა, რაც, თავისი დანიშნულების მიხედვით, არ იკვლის; სამაგიეროდ, ეს საქონელი

რომ დატოვებულ იქნეს ინდივიდუალურ მეურნეობაში ან, კოლექტიურ მეურნეობაში შესვლისას, მოქცეულ იქნეს ამ უკანასკნელის ინვენტარში, ხელს შეუწყობდა მეურნეობის ძალოვნების ზრდას.

მუშა-საქონლისა და საყოლი საქონლის დაკვლა, რაც გამოწვეული არ არის სამეურნეო აუცილებლობით და მიზანშეწონილობით, ენებს არა მარტო ცალკეულ ინდივიდუალურ და კოლექტიურ მეურნეობათა ინტერესებს, არამედ—აგრეთვე მთლად ა/კსფსრ სახალხო მეურნეობის ინტერესებს, ამცირებს-რა მისი წარმოების ერთ-ერთ ძირითად საშუალებას.

კულაკების მანებელი მოქმედების აღკვეთისათვის და აგრეთვე მუშა-საქონლისა და საყოლი საქონლის შენარჩუნებისა და რიცხვის გადიდებისათვის, თანაც „ოთხეფი საქონლის დაუზოგველი დაკვლის წინააღმდეგ ბრძოლის ღონისძიებათა შესახებ“ გამოცემული სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1930 წ. იანვრის 16-ის დადგენილების (სსრკ კან. კრ. 1930 წ. მე-6 №-ი, მუხ. 66) განვითარების მიზნით ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. წინადადება მიეცეს ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს—დაუმატონ სისხლის სამართლის კოდექსებს მუხლი, რომლითაც გათვალისწინებულ იქნება ოთხეფი საქონლის დაუზოგველი დაკვლა და განზრახი დასახიჩრება და სხვათა საამისოდ შეგულიანება სოფლის მეურნეობის კოლექტივიზაციის ჩაშლისა და წარმატების დაბრკოლების მიზნით, რისთვისაც დააწესონ სოციალური დაცვის ღონისძიება, რაც განსაზღვრულია სსრკ-ის ცენტრალური აღმასრულებელი კომიტეტისა და სახალხო კომისართა საბჭოს დადგენილებაში „ოთხეფი საქონლის დაუზოგველი დაკვლის წინააღმდეგ ბრძოლის ღონისძიებათა შესახებ“ (სსრკ კან. კრ. 1930 წ. მე-6 №-ი, მუხ. 66).

2. აეკრძალოს საგლეხო მეურნეობათ და კოლექტიურ მეურნეობათ დაკვლა მუშა-საქონლისა და აგრეთვე ისეთი მსხვილფეხა რქოსანი საქონლისა, რაც ეკუთვნის საჯიშე მასალას, სადედე შედგენილობას, სანაშენო შედგენილობას და მოზარდთა შედგენილობას (ხბოები) ორ წლამდე.

ამ წესის დარღვევისათვის დამნაშავეს დაედება ადმინისტრაციული წესით ჯარიმა დაკლული ცხოველის ღირებულების ერთი-და-ნახევარი რაოდენობით. ჯარიმის სახით გადახდევინებული თანხები შეიტანება კოლექტივიზაციის ფონდში.

3. დაევალოს საადგილმამულო საზოგადოებათა რწმუნებულთ და აგრეთვე აგრორწმუნებულთ და ზოორწმუნებულთ თვალყურით ადევნონ ამა დადგენილების განხორციელებას და ყოველი ის შემთხვევა, როდესაც დარღვეულ იქნება ეს დადგენილება, დაუყოვნებლივ აცნობონ სასოფლო საბჭოებს დამნაშავეთა პასუხისმგებაში მისაცემად.

4. წინადადება მიეცეს ა/კსფსრ შედგენილობაში შემავალი რესპუბლიკების მთავრობათ უზოგველობაზე, —რესპუბლიკანური კოლექტიურ მეურნეობათა ცენტრებისა, საადგილმამულო ორგანოებისა და ორგანიზაციებისა და სასოფლო-სა-



მეურნეო კოოპერაციის მონაწილეობით და მთელი საბჭოთა საზოგადოებრიობის საქმეში ჩაბმით, — სოფლად ფართო ახსნა-განმარტების კამპანიის ჩატარება იმის თაობაზე, რომ შეუწყნარებელია ღარიბმა და საშუალო მეურნეობებმა გაყიდონ ან დაკლან მუშა-საქონელი და საყოლი საქონელი კოლექტიურ მეურნეობებსა და სხვა საწარმოო სასოფლო-სამეურნეო შენაერთში შესვლის დროს.

ამ კამპანიის ჩატარების დროს განსაკუთრებული ყურადღება უნდა მიექცეს ღარიბ და საშუალო გლეხთა ფართო მასებისათვის იმ ზიანის ახსნა-განმარტებას, რასაც თვით მათ აყენებს ოთხფეხი საქონლის ასეთი გაყიდვა და დაკლვა.

5. წინადადება მიექცეს ა/კსფსრ შედგენილობაში შემავალი რესპუბლიკების მთავრობათ შეუთანხმონ ორი კვირის ვადაზე ამა დადგენილებას თავიანთი კანონმდებლობა.

6. ა/კსფსრ მიწათმოქმედების სახალხო კომისარიატმა უნდა გადასინჯოს მის მიერ ამა დადგენილების საგნის თაობაზე წინად გამოცემული ინსტრუქციები.

7. ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს დადგენილება „ოთხფეხი საქონლის დაუზოგველ დაკვლასთან და გაყიდვასთან ბრძოლის ღონისძიებათა შესახებ“ (ა/კსფსრ კან. კრ. 1930 წ. 8-3 №-ი, მუხ. 25) გაუქმებულ იქნეს.

ამიერკავკასიის ცენტრალური აღმასრულებელი
კომიტეტის თავმჯდომარე **ს. კახიანი.**

ა/კსფსრ სახალხო კომისართა საბჭოს თავმჯდომარე **შ. ელიავა.**

ამიერკავკასიის ცენტრალური
აღმასრულებელი კომიტეტის მდივანი **ა. შავერდოვი.**

1930 წ. აპრილის 28.

ტფილისი-სასახლე.

გამოქვეყნებულია „ზარია ვოსტოკა“-ს 112 №-ში 1930 წ. აპრილის 29-ს.

ციროპულიარი № 8 ა/კსფსრ მუშათა და გლეხთა ინსპექციის სახალხო კომისარიატისა და შრომის სახალხო კომისარიატისა.

1930 წ. აპრილის 26.

103. „უმაღლესი სასწავლებლებისა და ტექნიკუმების მოსწავლეთა კონტრაქტაციის წესის თაობაზე“ გამოცემული სსრკ-ის შრომის სახალხო კომისარიატის 1929 წ. დეკემბრის 21-ის დადგენილების შესრულების შესახებ.

ა/კსფსრ მუშათა და გლეხთა ინსპექციის სახალხო კომისარიატისა და შრომის სახალხო კომისარიატის განკარგულებაში ქონებული მასალებიდან ირკვევა,

რომ მთელი რიგი უწყებები და ორგანიზაციები, რომელთაც დაკონტრაქტებული ჰყავთ ა/კფსრ-ისა და სხვა მოკავშირე რესპუბლიკების უმაღლესი სასწავლებლებისა და ტექნიკუმების მოსწავლენი, რიგზე არ უგზავნიან მათ ხვედრ სტიპენდიებს, არღვევენ სსრკ-ის შრომის სახალხო კომისარიატის 1930 წ. დეკემბრის 21-ის დადგენილებით განსაზღვრული დაკონტრაქტებული სტუდენტების სტიპენდიების განაკვეთებს და კონტრაქტაციის ხელშეკრულების სხვა პირობებს.

ა/კფსრ მუშათა და გლეხთა ინსპექციის სახალხო კომისარიატს და შრომის სახალხო კომისარიატს შეუსაბამოდ მიაჩნიათ ზემოაღნიშნული მოვლენა და ისინი წინადადებას იძლევიან:

ყველა იმ უწყებამ და ორგანიზაციამ, რომელსაც დაკონტრაქტებული ჰყავს ა/კფსრ-ისა და სხვა მოკავშირე რესპუბლიკების უმაღლესი სასწავლებლებისა და ტექნიკუმების მოსწავლენი, მტკიცედ უნდა იხელმძღვანელოს სსრკ-ის შრომის სახალხო კომისარიატის 1929 წ. დეკემბრის 21-ის დადგენილება „უმაღლესი სასწავლებლებისა და ტექნიკუმების მოსწავლეთა კონტრაქტაციის შესახებ“, სახელდობრ ის ნაწილი, რაც შეეხება:

- ა) სტიპენდიის რაოდენობას, რაც განსაზღვრულია აღნიშნული დადგენილებით;
- ბ) დაკონტრაქტებულ მოსწავლეთათვის მათი ხვედრი სტიპენდიების თავის დროზე გაგზავნას.

ა/კფსრ მუშათა და გლეხთა ინსპექციის სახალხო კომისრის მოადგილე **იაშვილი.**

ა/კფსრ შრომის სახალხო კომისარი **რაჰიმოვი.**

გამოქვეყნებულია „ზარია ვოსტოკა“-ის 112 №-ში 1930 წ. აპრილის 29-ს.

შეცდომის გასწორება.

დაბეჭდილია

უნდა იყოს

ა/კფსრ კან. კრ. 1930 წ. მე-5 №-ში, მუხ. 75. მუხ 2.

...მოაწყონ არსებულ სასოფლო-სამეურნეო სასწავლო რაიონებთან...

...მოაწყონ ყველა ძირითად სასოფლო-სამეურნეო უმაღლეს და საშუალო სასწავლებელთან...

იქვე, მუხ. 61. მე-14 მუხ. შენიშვნაში

...ჭიდრომეტრულ სამუშაოთა...

...ჭიდრო-მეტროლოგიურ სამუშაოთა...

საქართველოს სახკომსაბჭოს სტამბა.

მთავლ. № 1.195.

ტირაჟი 850.